



Мовароуннахрнинг шимолида жойлашган Дашти Кипчок худудининг географик чегаралари тўғрисида лимлар турлича фикр билдирадilar. Масалан, кадемик Б.Ахмедов Дашти Кипчок худуди деб, асосан, Сирдарёнинг куйи окими ва Балхаш кўлидан то Днепр дарёсининг куйи окимларигача бўлган жойларни ўрсатади. Бошка олимлар, жумладан, Х.Бекмухаммедов, М.Исхоков, Л.Гумилевлар Дашти Кипчок чегаралари Сирдарёнинг куйи окими ва Балхаш кўлидан ортиб то Дунай дарёсининг куйи окимигача бўлган удудлар билан чегараланганини таъкидлашади.

Дашти Кипчок айрим илмий адабиётларда икки сисмга ажратилган холда белгиланган. Унга кўра, Дашти Кипчок шаркий ва гарбий кисмга ажратилган. Урал ва Ейик дарёси эса табиий чегара вазифасини ўтаган. Кейинрок, шаркий Дашти Кипчок Олтин Ўрда таркибига кирган. Гарбий Дашти Кипчок эса, рус ва паркий Европа манбаларида «Половецлар дашти» ёки «Куманлар ери» деб аталган.

Олима Р.Г.Мукимованинг фикрича, турли даврларда дашти Кипчок чегаралари ўзгариб турган. Улар катъий челгиланмаган ва доимий бўлмаган. Гарбда ва жанубда бу чегаралар Кавказ тоғлари, Кора денгиз ҳамда Каспий денгизи, Русия ва Волга булгорлари ерларигача етиб эрган. XII-XIII асрларга оид харитада Дашти Кипчок кабилалари гарбда то Дунай дарёсигача етиб борганлиги кайд этилган. XII аср бошларида Дашти Кипчокдаги печенег кабиласи Болкон ярим оролига кириб борган. Демак, Дашти Кипчокнинг гарбий чегаралари XII-XIII асрларга келиб Дунай дарёсининг куйи окимлари ва Кора денгиз бўйларига етиб борган. Шаркда эса Сибирь (Иртиш дарёси ва Балхаш кўли) билан туташган. Хоразмшоҳлар, Амир Темур ва Темурийлар даврида Мовароуннахр чегаралари асосан, Туркистон, Саврон, Сигнок, Ўтрор, Тошкент ва Тароз шаҳарлари билан белгиланган. Тарихчи Абдураззок Самаркандийнинг «Матлаъи саъдайн ва мажмаи бахрайн» асарида шундай маълумотлар учрайди: «828 йили (1424-1425) Буруқўғлон Ўзбек подшохи Муҳаммадхон ўрдуси устидан галаба қозониб, 829 (1425-1426) йили Сигнок вилоятига ва Улугбек мамлакати чегараларига етиб келди».

Самаркандий ўз асарида 1405-1427 йиллардаги воқеалар Хофиз Абрунинг «Зубдат ут-таворих Бойсунқурий» асаридан олинганлигини айтиб ўтади. Шу боис, «Зубдат ут-таворих»да Улугбекнинг мамлакати чегаралари айнан Сигнок вилояти эканлиги кўрсатиб ўтилган.

Шарафиддин Али Яздийнинг маълумотича, Тўхтамишхон Ўрусхон тазйикидан Темур даргоҳига қочиб келган вақтда, Темур унга Сигнок ва Саврон вилоятларини беради. Яна бир кизикарли маълумот Хофиз Таниш Бухорийнинг «Абдуллонома» асарида учрайди.

Унда шундай дейилади: «... окибатда козокларни истило килиш максатида Буруч Ўглон Дашти Кипчокдан Туркистон ва Сигнок чегарасига келди...»

Маълумотнинг ахамиятли томони шундаки, бу ерда Туркистон ва Сигнок вилоятлари Дашти Кипчокдан алохида худуд сифатида ажратиб кўрсатилмоқда. Демак, бу даврга келиб (XVI аср) Дашти Кипчок чегаралари ўзгарганлиги маълум бўлади. Афтидан, козок хонликларининг ташкил топиши бу жараёнга таъсир кўрсатган бўлиши керак. Чунки, асарда таъкидланганидек, Буруч Ўглон козокларни истило килиш максатида Дашти Кипчокдан Туркистон ва Сигнок вилоятларига келади.

Юкорида келтирилган манбалардаги воқеалар асосан XV-XVI асрларга тегишли бўлиб, бу даврда Тошкент, Туркистон ва Сигнок шаҳарлари Дашти Кипчок худудига кирмаган. Дашти Кипчок шимолий чегараларини, асосан, рус солномалари ва мўгуллар даври манбаларида келтирилган маълумотлар асосида аниқлаш мумкин. Умуман олганда, Дашти Кипчокнинг шимолий чегараларини туркий кабилаларнинг Гарбий Сибирдаги бошка туркий кабилалар ҳамда Русь князликлари билан бўлган сиёсий муносабатларидан билиб олиш мумкин.

IX-XII асрлар Тошкент, Тароз ва Ўтрор шаҳри кулолчилигига назар ташласак, бу давр кулолчилигида куйидаги унсурлар: манзара, хайвон (от, каптар, эчки, архар, шер, йўлбарс, тулки, турли хилдаги баликлар) ва хандасавий шаклларнинг ифодаланиши кўзга ташланади. Маълумки, VIII-IX асрлар Самарканд кулолчилигида хайвон суратларини солиш кенг суръатда расм бўлган. Бу ўхшашликлар юкорида номи зикр этилган шаҳарлар ҳамда Самарканд кулолчилигидаги уйғунликни келтириб чиқаради. Шу билан бирга, юкорида зикр этилган шаҳарлар ва Самарканд кулолчилигида ва, умуман, Мовароуннахр кулолчилигида кўпинча мовий, яшил ранг ҳамда кўргошин-калай коплмасидан кенг фойдаланилган. Бундан ташқари, Сарвон, Сигнок ва, умуман, Сирдарё бўйида жойлашган шаҳарлардан топилган археологик ёдгорликлардан маълум бўладики, кўчманчи маданиятга нисбатан ўтрок маданиятнинг таъсири катта бўлган. Ўз вақтида археолог К. Байпаков Дашти Кипчокнинг Сирдарё бўйларидаги худудлари хақида фикр юритар экан, бу худудлардаги моддий маданиятни «Шимолий Тошкент маданияти» деб аташни таклиф этган эди. Чунки, ўтрок Тошкент маданиятининг таъсири шимолий худудларга, хусусан, Туркистон, Сигнок, Ўтрор каби йирик маданий худудларнинг шаклланишига катта таъсир кўрсатган.

Хулоса килиб айтганда, Дашти Кипчок чегаралари, асосан, Мовароуннахрнинг шимоли ҳамда Балхаш кўлидан тортиб то Дунай дарёсининг куйи окимлари ва Крра денгиз сохиллари билан белгиланган.

Дониёр БОЛТАБОЕВ, Фаррух БОЛТАБОЕВ

Мозийдан садо